


七

唐人絕句  
卷十三



萬首唐人絕句卷第五十八

七言一百首

長安鄭  
振華  
詩  
卷  
五  
十八

司空圖

暮春對柳二首

司空圖

縈愁惹恨奈楊花  
閉戶垂簾亦滿家  
惱得閒人作酒  
病剛須又撲越溪茶

洞中猶說看桃花  
輕絮狂飛自俗家  
正是階前開遠  
信小娥旋拂碾新茶

戊午三月晦二首

隨風逐浪劇蓬萍  
圓首何曾解最靈  
筆硯近來多自  
棄不關妖氣暗文星

牛誇某品無勅敵謝占詩家作上流豈似小敷春水  
漲年年鸞鶴待仙舟

偶書五首

情知了得未如僧客處高樓莫強登鶯也解啼花也  
發不關心事最堪憎

自有池荷作扇搖不關風動愛芭蕉只憐直上抽紅  
藥似我丹心向本朝

曾看輕舟渡遠津無風着岸不經旬只緣命蹇須知  
命却是人爭阻得人

上谷何曾解有情有情人自惜君行證因池上今生

願的的他生作化生

新店南原後夜程黃河風浪信難平渡頭楊柳知人  
意爲惹官船莫放行

喜山鵲初歸三首

翠衿紅嘴便知機久避重羅穩處飛只爲從來偏護  
惜窻前今賀主人歸

山中只是惜珍禽語不分明識爾心若使解言天下  
事燕臺今築幾千金

阻他羅網到柴扉不奈偷倉雀轉肥賴爾林塘添景  
趣剩留山果引教歸

虞鄉北原

澤北村貧煙火瘿稚田冬旱倩牛耕老人惆悵逢人  
訴開盡黃花麥未金

洛中三首

秋風團扇未驚心笑看糝臺落葉侵繡鳳不教金縷  
暗青樓何處有寒砧

不用頻嗟世路難浮生各自繫悲懽風霜一夜添羈  
思羅綺誰家待早寒

燕巢空後誰相伴鴛被縫來不忍薰薄命敢辭長滴  
淚倡家未必肯留君

寓筆

年年鑷鬢到花飄依舊花繁鬢易凋撩亂一場人更  
恨春風誰道勝輕颺

戲題試衫

朝班盡說人宜紫洞府應無鶴着緋從此玉皇須破  
例染霞裁賜地仙衣

沐柳半枯因悲柳中隱

行人莫歎前朝樹已占河堤幾百春惆悵題詩柳中  
隱柳衰猶在自無身

上方

花落更同悲木落鶯聲相續卽蟬聲榮枯了得無多  
事只是閒人漫繫情

寄王贊學

黃卷不關兼濟美青山自保老閒身一行萬里織塵  
靜可要張儀更入秦

新節

轉悲新歲重於山不似輕鷗肯復還朱紱縱教金印  
換青雲未勝白頭閒

自河西歸山二首

一水悠悠一葉危往來長恨阻歸期鄉關不是無華

表自爲多驚獨上遲

水闊風驚去路危孤舟欲上更遲遲鶴羣長擾三珠  
樹不借閒人一隻騎

王官二首

風荷似醉和花舞沙鳥無情伴客閒總是此中皆有  
恨更堪微雨半遮山

荷塘煙罩小齋虛景物皆宜入畫圖盡日無人只高  
臥一雙白鳥隔紗幘

賀翰林侍郎二首

太白東歸鶴背吟鏡湖空在酒船沉今朝忽見銀臺

事早晚重徵入翰林

玉版徵書洞裏看沈羲新拜侍郎官文星喜氣連台  
曜聖主方知四海安

寄三十三舍人

幾年汶上約同遊擬爲蓮峰別置樓今日鳳凰池畔  
客五千仞雪不回頭

綸閣有感

風濤曾阻化鱗來誰料蓬瀛路却開欲去遲遲還自  
笑狂才應不是仙才

寄薛起居

小域斯以御賀聖朝亦知蹇分巧難拋麤才自合無岐  
路不破工夫漫解嘲

古宮怨

王建二十九首

亂鳥啞啞飛復啼宮頭晨夕宮中棲吳王別殿繞江  
水後宮不開美人死

祝鵲

神鵲神鵲好言語行人早回多利賂我今庭中栽好  
樹與汝作巢當報汝

海人謠

海人無家海裏住採珠殺象爲歲賦惡波橫天山塞

路未央官中常滿庫

兩頭纖纖

兩頭纖纖青玉玦半白半黑頭上髮  
臍臍膊膊春冰裂磊磊落落桃花結

看碁

彼此抽先局勢平傍人道死的還生  
兩邊對坐無言語盡日時聞下子聲

設酒寄獨孤少府

自看和釀一依方緣看松花色較黃  
不分君家新酒熟好詩收得被回將

新授戒尼師

新短方裙疊作稜聽鐘洗鉢繞青蠅  
自知戒相分明後先出壇場禮大僧

于宅看花

小葉稠枝粉壓摧暖風吹動鶴翎開  
若無別事為留難拋却貧家宿看來

元太守同遊七泉寺

盤磴迴廊古塔深紫芝紅藥入雲尋  
晚吹簫管秋山裏引得獼猴出象林

望定州寺

回看佛閣青山半三四年前到上頭省得老僧留不  
住重尋可更有因由

道中寄杜書記

西南東北暮天斜巴字江邊楚樹花珍重荊州杜書  
記閒時多在廣師家

聽琴

無事此身離白雲松風溪水不曾聞至心聽着仙翁  
引今看青山圍繞君

贈陳評事

識君雖向歌鐘會說事不離雲水間春夜酒醒長起

坐燈前一紙洞庭山

寄畫松僧

天香寺裏古松僧不畫枯松落石層最愛臨江兩三  
樹水禽棲處解無藤

花褐裘

對織芭蕉雪毳新長縫雙袖窄裁身到頭須向邊城  
着消殺秋風稱獵塵

夜看美人宮碁

宮碁布局不依經黑白分明子數停巡拾玉沙天漢  
曉猶殘織女兩三星



上田僕射

一方新地隔河煙，曾接諸生聽管弦。  
却憶去年寒食會，看花猶在水堂前。

樓前

天寶年前勤政樓，每年三日作鞦韆。  
飛龍老馬曾教舞，聞着音聲忽舉頭。

聽雨

半夏思家睡裏愁，雨聲落落屋簷頭。  
泥星出依前黑，淹爛庭花不肯休。

冬至後招于秀才

日近山紅暖氣新，一陽先入御溝春。  
聞閒立馬重來此，沐浴明年稱意身。

送人歸丹陽

江城柳色海門煙，欲到茅山始下船。  
知道君家當瀑布，菖蒲潭在草堂前。

春早聞鶯

侵黑行飛一兩聲，春寒轉小未分明。  
若教更解諸餘語，應向宮花不惜情。

題石甕寺

天宮連內繞丹巖，塵蓋雲間落數帆。  
遙指上皇翻曲

處白官題字滿西嵌

寄張博士

春明門外作卑官病友經年不得看  
莫道長安近于日升天却易到城難

太和公主和蕃

塞黑雲黃欲渡河風沙眯眼雪相和  
琵琶淚濕行聲小斷得人腸不在多

舊宮人

先帝舊宮宮女在亂絲猶插鳳凰釵  
霓裳法曲渾拋却獨自花間掃玉階

新晴後

夏夜新晴星較少雨收殘水入天河  
簷前着熱衣裳坐風冷渾無撲火蛾

寄薛濤校書

萬里橋邊女校書琵琶花裏寄閒居  
掃眉才子無多少管領春風總不知

長門燭

秋夜牀前蠟燭微銅壺滴盡曉鐘遲  
殘光欲滅還吹着年少宮人不睡時

樂府辭二十五首

伊州歌五首

蓋嘉運進

秋風明月獨離居  
蕩子從戎十載餘  
征人去日殷勤囑  
歸鴈來時數寄書

彤闈曉闢萬鞍回  
玉輅春遊薄晚開  
渭北清光搖草樹  
南洲佳景入樓臺

千門今夜曉初晴  
萬里天河徹帝京  
燦燦繁星駕秋色  
稜稜霜氣韻鐘聲

長安二月柳依依  
西出流沙路漸微  
闕氏山上春光少  
相府邊廷驛使稀

三秋大漠冷溪山  
八月嚴霜變草顏  
捲旆風行宵渡

積銜枚電掃曉應還

捉拍睦州

西去輪臺萬里餘  
故鄉音耗日應疎  
隴山鸚鵡能言語  
爲報閨人數寄書

水調歌七首

平沙落日大荒西  
隴上明星高復低  
孤山幾處看烽火  
壯士連營候鼓鼙

猛將關西意氣多  
能騎駿馬弄琯戈  
金鞍寶鉢精神出  
倚笛新翻水調歌

隴頭一斷氣長秋  
舉目瀟條總是愁  
祗爲征人多下

淚年年添作斷腸流

細草河邊一鴈飛黃龍關裏掛戎衣爲受明王恩寵  
甚從事經年不復歸

昨夜邀歡出建章今朝徵賞度昭陽傳聲莫閉黃金  
屋爲報先開白玉堂

日晚笳聲咽戍樓隴雲漫漫水東流行人萬里向西  
去滿目關山空自愁

千年一遇聖明朝願對君王舞細腰乍可當熊任生  
死誰能伴鳳上雲霄

涼州歌四首

漢家宮裏柳如絲上苑桃花連碧池聖壽已傳千載  
酒天文更賞百僚詩

朔風吹葉鴈門秋萬里煙塵昏戍樓征馬長思青海  
北胡笳夜聽隴山頭

三秋陌上早霜飛羽獵平田淺草齊錦背蒼鷹初出  
按五花驄馬餵來肥

鴛鴦殿裏笙歌起翡翠樓前出舞人喚上紫微三五  
夕聖明萬壽一千春

突厥三臺

鴈門山上鴈初飛馬邑欄中馬正肥日昨山西逢驛

使殷勤南北送征衣

蓋羅縫二首

秦時明月漢時關萬里征人尚未還但使龍庭飛將  
在不教胡馬度陰山

音書杜絕白狼西桃李無顏黃鳥啼寒鴈春深歸去  
盡出門腸斷草淒淒

雙帶子

私言切切誰人會海燕雙飛繞畫梁君學秋胡不相  
識妾亦無心去採桑

胡渭州

亭亭孤月照行舟寂寂長河萬里流鄉國不知何處  
是雲山漠漠使人愁

水鼓子

雕弓白羽獵初回薄夜牛羊復下來夢水河邊秋草  
合黑山峰外陣雲開

鍾西二首

天邊物色更無春祇有牛羊與馬羣誰家營裏吹羌  
笛哀怨教人不忍聞

歲去年來拜聖朝更無山關對溪橋九門楊柳渾無  
半猶自千條與萬條

雜詩見才調詩

無名氏 十五首

青天無雲月如燭  
露泣梨花白如玉  
子規一夜啼到  
明美人獨在空房宿

空賜羅衣不賜恩  
一燠香後一消魂  
雖然舞袖何時  
舞長對春風挹淚痕

不洗殘粧並繡牀  
却嫌鸚鵡繡鴛鴦  
回針刺到雙飛  
處憶着征人淚數行

眼想心思夢裏驚  
無人知我此時情  
不如池上鴛鴦  
鳥雙宿雙飛過一生

一去遼陽繫夢魂  
忽傳征騎到中門  
紗窗不肯施紅

粉徒遣蕭郎問淚痕

鶯啼露冷酒初醒  
菴畫樓西曉角鳴  
翠羽帳中人夢  
覺寶釵斜墜枕函聲

滿目笙歌一段空  
萬般離恨總隨風  
多情爲謝殘陽  
意與展晴霞片片紅

兩心不語暗知情  
燈下裁縫月下行  
行到堦前知未  
睡夜深聞放剪刀聲

近寒食雨草萋萋  
着麥苗風柳映堤  
一是有家歸未  
得杜鵑休向耳邊啼

洛陽才子鄰簫恨  
湘水佳人錦瑟愁  
今昔兩成惆悵

事臨邛春盡暮江流

浙江輕浪古悠悠望海樓吹望海愁莫怪鄉心隨魄  
斷十年爲客在他州

數日相隨兩不忘郎心如妾妾如郎出門便是東西  
路把取紅牋各斷腸

無定河邊暮笛聲赫連臺畔旅人情函關歸路千餘  
里一夕秋風白髮生

舊山雖在不關身且向長安過暮春一樹梨花一溪  
月不知今夜屬何人

花落長川草色青暮山重疊雨溟溟逢春便覺飄蓬

苦今日分離一涕零

萬首唐人絕句卷第五十八

萬首唐人絕句卷第五十九

七言一百首

穆天子傳

唐彥謙二十七首

王母清歌玉瑄悲  
瑤臺應有再來期  
穆主不得重相見  
恐為無端哭盛姬

楚天

楚天遙望每長嘯  
宋玉襄王盡作塵  
不會瑤姬朝與暮  
更為雲雨待何人

寄徐山人

一室清羸鶴體孤  
體和神瑩爽冰壺  
吳中高士雖求



死不那稽山有謝敷

題宗人故帖

所忠無處訪相如風笈塵編迹尚餘惟有孝標情最厚一編遺在茂陵書

垂柳

絆惹春風別有情世間誰敢鬪輕盈楚王江畔無端種餓損纖腰學不成

登興元城觀烽火

漢川城上角三呼護蹕防邊列萬夫褒姒塚前烽火起不知泉下破顏無

鄧艾廟

昭烈遺黎死尚羞揮刀斫石恨醮周如何千載留遺廟血食巴山伴武侯

曲江春望

杏艷桃光奪晚霞樂遊無廟有年華漢朝冠蓋皆陵墓十里宜春漢苑花

漢殿

鳥去雲飛意不通夜壇斜月轉松風君王寂慮無消息却就閑人覓巨公

賀李昌時禁苑新命

振鷺翔鸞集禁闈玉堂珠樹瑩風儀不知新到靈和  
殿張緒何如柳一枝

牡丹

顏色無因饒錦綉馨香惟解掩蘭蓀那堪更被烟蒙  
蔽南國西施泣斷魂

羅江驛

數枝高柳帶鳴鴉一樹山榴自落花已是向來多淚  
眼短亭回首在天涯

奏捷西蜀題沱江驛

野客乘輶非所宜况將儒儒報戎機錦江不識臨邛

酒且免相如渴病歸

春蚤落英

紛紛從此見花殘轉覺長繩繫日難樓上有愁春不  
淺小桃風雪凭欄干

仲山

高祖兄仲山隱居之所

千載遺踪寄薜蘿沛中鄉里漢山河長陵亦是閑丘  
壠異日誰知與仲多

漢嗣

漢嗣安危繫數君高皇意決勢難分張良口辨周昌  
吃同建儲官第一勛

四老廟

西漢儲宮定不傾可能園綺勝良平舉朝公將無全策借請閑人羽翼成

南梁戲題漢高廟

數載從軍似武夫今隨戎捷氣偏粗漢王若問何爲者免道高陽舊酒徒

洛神

人世仙家本自殊何須相見向中途驚鴻瞥過游龍去漫惱陳王一事無

初秋到慈州冬首與絳牧

秋杪方攀玉樹枝隔年無計待春暉自嫌暫作仙城守不遂鶯來共燕飛

重經馮家舊里

馮家舊宅閉柴關脩竹猶存澗水灣應繫星辰上天去不留英骨葬人間

克復後登安國寺閣

千門萬戶鞠蒿藜斷燼遺垣一望迷惆悵建章鴛瓦盡夜來空見玉繩低

題虔僧室

何緣春恨貯離憂欲入空門萬事休水月定中何所

為也嘖眉黛托腮愁

見煬帝寶帳

漢文窮相作前王  
慳惜明珠不斗量  
翡翠紋鮪何所  
直千裨萬接上書囊

樓上偶題

塵土無因押隱淪  
青山一望每傷神  
可能前嶺空喬木  
應有懷才抱器人

親仁里聞猿

朱雀街東半夜驚  
楚魂和夢兩徒清  
五更撩亂趨朝火  
滿口塵埃亦數聲

聞李瀆司勳下世

異鄉丹旆已飄揚  
一顧深知實未上  
任被楮襖泉下  
笑重將北面哭真長

試夜題省廊柱

麻衣穿穴兩京塵  
十見東堂綠桂春  
今日競飛揚葉  
箭魏舒休作畫籌人

竹風

竹映風窓數陣斜  
旅人愁坐思無涯  
夜來留得江湖  
夢全為乾聲似荻花

長溪秋望

柳短莎長溪水流雨微烟暝立溪頭寒鴉閃閃前山  
去杜曲黃昏獨自愁

嚴子陵

嚴陵情性是真狂抵觸三公傲帝王不怕舊交稱僭  
越喚它侯霸作君房

北齊

草草招携強據鞍周師乘勝莫回看背城肯戰知虛  
實爭奈人前忍笑難

楚世家

偏信由來惑是非一言邪佞脫危機張儀重入懷王

手駟馬安車却放蹄

驪山道中

月殿真妃下綵烟漁陽追虜及湯泉君王指點新豐  
樹幾不親留七寶鞭

韋曲

欲寫愁腸愧不才多情練漉已低摧窮郊二月初離  
別獨傍寒村嗅野梅

黃子陂荷花

十頃狂風撼麴塵綠堤照水露紅新世間花氣皆愁  
絕恰是蓮香更惱人

野行

蝶戀晚花終未去鷗逢春水固難飛野人心地都無  
著伴蝶隨鷗亦不歸

與徐溫話別

方干二十八首

去去何時却見君悠悠烟水似天津明年今夜有明  
月不是今年看月人

寒食日

百花香氣傍行人花底垂鞭日易醺野父不知寒食  
節穿林轉壑自燒雲

出東陽道中作

馬首寒山黛色濃一重重盡一重重醉醒已在他人  
界猶憶東陽昨夜鍾

與陳長官

枕上愁多百緒牽常時睡覺在溪前人間盡是交親  
力莫道升沉總信天

商明府家學方響

葛溪鐵片梨園調耳底丁東十六聲彭澤主人憐妙  
樂玉盃春煖許同傾

別商明府

許教門館父踟躕仲叔懷恩對玉壺惟有離心欲萌

客望垂雙淚不成珠

贈楊長官

直鈎終日竟無魚鐘鼓聲中與世疎若向湖邊訪幽  
拙蕭條四壁是閑居

貽僧二首

秋水一泓長見底澗松千尺不生枝人間學佛知多  
少淨盡花心只有師

四十年來多少人一分零落九成塵與師猶得重相  
見亦是枯株勉強春

題畫建溪圖

六幅輕綃畫建溪刺桐花下路高低分明記得曾行  
處祇欠猿聲與鳥啼

蜀中

遊子去遊多不歸春風酒味勝餘時閑來却伴巴兒  
醉荳蔻花邊唱竹枝

將歸湖上留別陝宰

歸去春山逗晚晴縈迴樹石罅中行明時不是無知  
已自憶湖邊釣與耕

題鮑處士壁

水濶坐看千萬里青蕪蓋地接天津襴衡莫愛山中

靜逸舍山多却碍人

經曠禪師舊院

谷鳥散啼如有恨庭花含笑似無情更名變貌難休  
息去去來來第幾生

江南聞新曲

席上新聲花下盃一聲聲被拍心催樂工不識長安  
道盡是書中寄曲來

越中寄孫百篇二首

上才乘醉到山陰日日篇成字字金鏡水周圍千萬  
頃波瀾倒瀉入君心

錦價轉高花更巧能將舊手弄新梭從來一字為褒  
貶二十八言猶太多

題飛來峯

邃岩喬木夏藏寒床下雲溪枕上看臺殿漸多山更  
重却令飛去即應難

過李群玉故居

許直上書難遇主啣冤下世未成翁琴樽劍鶴隨將  
去惟鎖山齋一樹風

君不來

遠路東西欲問誰寒來無處寄寒衣去時初種庭前



樹樹已勝巢人未歸

送鄉中故人

少小與君情不踈聽君細話勝家書如今若到鄉中  
去道我垂鈎不釣魚

思江南

昨日草枯今日青羈人又動故鄉情夜來有夢登歸  
路不到桐廬已及明

別孫蜀

吳越思君意易傷別君添我<sub>吳</sub>邊霜由來淞水偏堪  
恨截斷千山作兩鄉

贈江上老人

潭底錦鱗多識釣未投香餌即先知欲教魚目無分  
別須學採藍染鈎絲

詠花二首

狂心醉眼共徘徊一半先開笑未開此日不能偷折  
去蝴蝶直恐趁人來

可憐妍艷正當時剛被狂風一夜吹今日流鶯來舊  
處百般言語帶空枝

路入金州江中作

棹尋椒岸縈迴去數里時逢一兩家知是從來貢金

處江邊牧豎亦披沙

夜會鄭氏林亭

卷簾圓月照方塘坐久罇空竹有霜白犬風驚鴈飛  
起猶能一一旋成行

清平調詞三首

李白四首

雲想衣裳花想容春風拂檻露華濃若非群玉山頭  
見會向瑤臺月下逢

一枝紅艷露凝香雲雨巫山枉斷腸借問漢宮誰得  
似可憐飛燕在昭陽

名花傾國兩相歡長得君王帶笑看解釋春風無限

恨沉香亭北倚欄干

戲贈杜甫

飯顆山前逢杜甫頭戴笠子日卓午借問別來太瘦  
生總為從前作詩苦

賀裴裕

李搏一首

曾隨風水化凡鱗安上門前一字新聞道蜀江風景  
好不知何似杏園人

遊秦別妻

元載一首

年來誰不厭龍鍾雖在侯門似不容看取海山寒翠  
樹若遭霜霰到秦封

懷舊

李章武 二首

水不西歸月暫圓令人悵望古城邊  
蕭條明早分岐路知更相逢何歲年

戲經僧

南宗尚許通方便何處心中更有經  
好去苾芻雲水畔何山松栢不青青

送紅綿酒

冷朝陽 一首

採菱歌怨木蘭舟送客魂消百尺樓  
還似洛妃乘霧去碧天無際水空流

題馬嵬驛

秋歸昌 一首

馬嵬烟柳正依依重見蠻輿幸蜀歸  
泉下阿蠻應有語這回休更泥楊妃

贈張神女

沈警 二首

義起曾歷許多年張碩凡得幾時憐  
何意今人不如昔斲來相見更無緣

離歌

直值行人心不平那宜萬里阻閨情  
只今隴上分流水更泛從來嗚咽聲

題巫山廟

繁知 一首

忠州刺史令才子行到巫山必有詩  
為報高唐神女

道速排雲雨候清辭

題鄧仙客墓

天嶠遊人一首

鶴老芝田鷄在籠上清那與俗塵同既言白日昇仙  
去何事人間有殯宮

舟行作

衡山舟子一首

野鵲灘西一棹孤月光遙接洞庭湖堪嗟迴雁峯前  
過望斷家山一字無

罷歙州贈交代

李擢一首

經年理郡少歡娛為習干戈間飲徒今日臨行盡交

唐絕句卷第五十九

萬首唐人絕句卷第六十

七言一百首

六朝詠史

孫元晏七十五首

吳黃金車

分壁山河即漸開許昌基業已傾積黃金車與斑斕  
耳早箇須知入識來

赤壁

會獵書來舉國驚祗應周魯不教迎曹公一戰奔波  
後赤壁功傳萬古名

魯肅指囷

唐絕句卷六十

破產移家事亦難佐吳從此霸江山爭教不立功勳  
得指出一困如等閑

甘寧斫營

夜深偷入魏軍營滿寨驚忙火似星百口寶刀千匹  
絹也應消得與甘寧

徐盛

欲把江山鼎足分邪真銜冊到江南當時將相誰堪  
重徐盛將軍最不甘

魯肅

斫案脚

衆疑鼎分從此定雄雌若無子敬心相

似爭得烏林破魏師

武昌

西塞山高截九垓讖語終日自相催武昌魚美應難  
戀曆數須歸建業來

顧雍

贊國經綸更有誰蔡公相歎亦相師貴為丞相封侯  
了歸後家人揔不知

呂蒙

幼小家貧實可哀願征行去志難回不探虎穴求身  
達爭得人間富貴來

介象

好道君王遇亦難變通靈異幾多般介先生有神仙  
術釣得鱸魚在玉盤

濡須塢

風揭洪濤響若雷枕波爲壘險相隈莫言有箇濡須  
塢幾度曹公失志回

周泰

名與諸公又不同金瘡痕在滿身中不將御蓋宣恩  
澤誰信將軍別有功

張紘

東部張公與衆殊共施經略贊全吳陳琳漫自稱雄  
伯神氣應須怯大巫

太史慈

聖德招賢遠近知曹公心計却成欺陳韓昔日嘗投  
漢豈是當歸召得伊

孫堅后

委付張公翊聖材幾將賢德贊文臺爭教不霸江山  
得日月徵曾入夢來

陸統

將軍身歿有兒孤虎子爲名教讀書更向宮中教騎

馬感君恩重合何如

青蓋

曆數將終勢已摧不脩君德更堪哀被它青蓋言相  
誤元是須教入晉來

晉七寶鞭

天命須知豈偶然亂臣徒欲用兵權聖謨廟略還應  
別渾不消它七寶鞭

庾悅鵝炙

春暖江南景氣新子鵝炙美就中珍庾家厨盛劉公  
困渾弗相貽也惱人

謝玄

百萬兵來逼合肥謝玄爲將統雄師旌旗首尾千餘  
里渾不消它一局碁

謝混

尚主當初偶未成此時誰合更關情可憐謝混風華  
在千古翻傳禁臠名

陸玩

陸公高論亦由衷謙讓還慙未有功天下忠良人欲  
盡始應交我作三公

王坦之

晉祚安危只此行坦之何必苦憂驚謝公合定寰區  
在爭遣當時事得成

蒲葵扇

拋捨東山歲月遙幾旆經略挫雄豪若非名德喧寰  
宇爭得蒲葵價數高

王郎

太尉門庭亦甚高王郎名重禮相饒自家妻父猶如  
此誰更逢君得折腰

劉毅

澆床堪壯喝盧聲似鐵容儀衆盡驚二十七人同舉

謝公人全得舊功名

王恭

春風濯濯柳容儀鶴氅神心舉世推可惜教君仗旄  
鉞在將心地託牢之

謝公賭墅

發遣將軍欲去時略無情撓只貪碁自從乞與羊曇  
後賭墅功成更有誰

符堅投筆

投筆填江語未終謝安乘此立殊功三台星爛乾坤  
正且與張華死不同



衛玠

叔寶羊車海內稀  
山家女婿好風姿  
江東士女無端甚  
看殺玉人渾不知

郭璞脫襦

吟坐因思郭景純  
每言窮達似通神  
到頭分命難移改  
解脫青襦與別人

庾樓

江州樓上月明中  
從事同登眺遠空  
玉樹忽埋千載後  
有誰重此繼清風

新亭

容易乘虛逼帝畿  
滿江樓艣與旌旂  
盧循若解新亭上  
勝負還應未可知

宋大峴

大峴纔過喜可知  
指空言已副心期  
公孫計策嗟無用  
天與南朝作霸基

放官人

納諫廷臣免犯顏  
自然恩可霸江山  
姚興待女方承寵  
放出官闈若等閑

借南苑

人主詞應不偶然  
幾人曾說笑掀天  
不知南苑今何

在借與張公三百年

謝澹雲霞友

仗氣凌人豈可親只將范泰是知聞  
緣何喚作雲霞友却恐雲霞未似君

烏衣巷

古迹荒基好嘆嗟滿川吟景只煙霞  
烏衣巷在何人住回首令人憶謝家

袁粲

負才尚氣滿朝知高卧閑吟見客稀  
獨步何人識袁尹白楊郊外醉方歸

劉伯龍

位重何如不厭貧伯龍孤子只修身  
固知生計還須有窮鬼臨時也笑人

王方平

拂衣耕釣已多時江上山前樂可知  
着却貂裘將採藥任它人喚作漁師

黃羅襪

戚屬羣臣盡見猜預憂身後又堪哀  
到頭委付何曾是虛把羅襪與彥回

謝朓

謝家諸子盡蘭香各震芳名滿帝鄉唯有千金更堪  
重只將高臥向齊王

羊玄保

運命將來各有期好官才闕即思之就中堪愛羊玄  
保偏受君王分外知

齊謝朓

解璽傳呼詔侍中却來高臥豈踈慵此時忠節還希  
有堪羨君王特地容

小兒執燭

謝公情量已難量忠宋心誠豈暫忘執燭小兒渾放

去略無言語與君王

王僧祐

肯與公卿作等倫澹然名德只推君任它車騎來相  
訪簫鼓盈庭似不聞

王僧虔

位高名重不堪疑懇讓儀同帝亦知不學常流爭進  
取却憂門有二台司

明帝裹蒸

至尊尊貴異人間御膳天厨豈等閑惜得裹蒸無用  
處不如安霸取江山

鬱林王

強哀強慘亦從伊歸到私庭喜可知喜字漫書二十  
六到頭能得幾多時

何氏小山

顯達何曾肯繫心築居郊外好園林賺它謝朓出山  
去贏得高名直至今

王倫之

豫章太守重詞林圖畫陳蕃與華歆更莫子將并孺  
子爲君千載作知音

潘妃

曾步金蓮寵絕倫豈日今日委埃塵玉兒還有懷恩  
處不肯將身嫁小臣

王亮

後見梁王未免哀奈何無計拯傾頽若彼相顛扶  
得爭遣明公到此來

梁分宮女

滌蕩齊宮法令新分張宮女二千人可憐無限如花  
貌重見世閒桃李春

馬仙理

齊朝太守不甘降忠節當時動四方義士要教天下

見且留君住待袁昂

勅敵

博聞天子重儒才特爲皇華綺宴開今日方驚遇勅敵此人元自北朝來

蔡樽

紫茄白莧以爲珍守任清真轉更貧不飲吳興郡中水古今能有幾多人

楚祠

曾與蕭侯醉玉盃此時神影盡傾頽莫云千古無靈聖也向西川助敵來

謝朓小輿

小輿并殿掌釣台不免無慘却憶回應恨被它何胤誤悔先容易出山來

八關齋

依憑金地甚虔誠忍溺空王爲聖明內殿設齋申禱祝豈無功德及臺城

庾信

苦心詞賦向誰談淪落周朝志豈甘可惜多才庾開府一生惆悵憶江南

陳王僧辨

彼此英雄各有名石頭高卧擬爭衡當時堪笑王僧  
辨待欲將心託聖明

武帝蚌盤

金翠絲簧略不舒蚌盤清宴意何如豈知三閣繁華  
主解爲君王妙破除

虞居士

苦諫將軍總不知幾隨煙焰作塵飛東山居士何人  
識唯有君王却許歸

姚察

曾佐徐陵向北遊剖陳疑事動名流却歸掌選清何

甚一疋花練不肯收

宣帝傷將卒

前後兵師戰勝回百餘城壘盡歸來當時將卒應知  
感況得君王爲舉哀

臨春閣

臨春高閣上侵雲風起香飄數里聞自是君王正沉  
醉豈知消息報隋軍

結綺閣

結綺高宜眺海涯上凌丹漢拂雲霞一千朱翠同居  
此爭奈恩多屬麗華

望仙閣

多少沉檀結築成望仙爲號倚青冥不知孔氏何形  
狀醉得君王不解醒

三閣

三閣相通綺宴開數千朱翠遶周回只知斷送君王  
醉不道韓擒已到來

狎客

八宮妃盡賦篇章風揭歌聲錦繡香選得十人爲狎  
客有誰能解諫君王

淮水

文物衣冠盡入秦六朝繁盛忽埃塵自從淮水乾枯  
後不見王家更有人

江令宅

不向南朝立諫名舊居基在事分明令人惆悵江中  
冷只作篇章過一生

後庭舞

嫵婉回風態若飛麗華翹袖玉爲姿後庭一曲從教  
舞舞破江山君未知

叙懷

張嬪二首

月裏路從何處上江邊身合幾時歸十年九陌寒風

夜夢掃蘆花絮客衣

題嘉陵驛

嘉陵路惡石和泥行到長亭日已西獨倚欄干正惆  
悵海棠花裏鷓鴣啼

春夜二首

劉駕 五首

一別杜陵歸未期祇憑寃夢接親知近來欲睡兼難  
睡夜夜夜深聞子規

幾歲兵戈阻路岐憶山心切與心違時難何處披衷  
抱日日日斜空醉歸

鄴中感舊

頃年曾住此中來今日重游事可哀憶得幾家歡宴  
處家家家業盡成灰

曉登迎春閣

未擲凭欄眺錦城煙籠萬井二江明香風滿閣花滿  
樹樹樹樹梢啼曉鶯

白髭

到處逢人求至藥幾回染了又成絲素絲易染髭難  
染墨翟當時合泣髭

獨坐吟

秦韜玉 二首

客愁不盡本如水草色含情更無已又覺春愁似草



生何人種在情田裏

奉和春日翫雪

北闕同雲掩曉霞東風春雪滿山家瓊章定少千人  
和銀樹長開六出花

和李秀才邊庭四時怨 盧弼 四首

春

春衣昨夜到榆關故國煙花想已殘少婦不知歸未  
得朝朝應上望夫山

夏

盧龍塞外草初肥鴈乳平燕曉不飛鄉國近來音信

斷至今猶自着寒衣

秋

八月霜飛柳遍黃蓬根吹斷鴈南翔隴頭流水關山  
月泣上龍堆望故鄉

冬

朔風吹雪透刀瘢飲馬長城窟更寒半夜火來知有  
敵一時齊保賀蘭山

獨坐懷非煙

趙象

綠暗紅藏起暝煙獨將幽恨小庭前沉沉良夜與誰  
語星落銀河月半天

迴絨非煙

見說傷情爲見春想封蟬錦綠蛾嘖叩頭與報煙卿  
道第一風流最損人

贈非煙

十洞三清雖路阻有心還得傍瑤臺瑞香風引思深  
夜知是蕊宮仙馭來

萬首唐人絕句卷第六十

萬首唐人絕句卷第六十一

七言一百首

小遊僊詩九十八首 曹唐

玉簫金瑟發商巖桑葉枯乾海水清淨掃蓬萊山上  
地略邀王母話長生

其二

上元元日豁明堂五帝望空拜玉皇萬樹琪花千圃  
藥心知不敢輒形相

其三

騎龍重過玉溪頭紅葉還春碧水流省得壺中見天

地壺中天地不曾秋

其四

真玉未許久從容  
立在花前別甯封  
手把玉簫頭不舉  
自愁如醉倚黃龍

其五

金殿無人鑲絳煙  
玉郎並不賞丹田  
白龍蹀躞難迴  
跋爭下紅綃碧玉鞭

其六

玄洲草木不知黃  
甲子初開浩劫長  
無限萬年年少女  
手攀紅樹滿殘陽

其七

宮闕重重閉玉林  
崑崙高闕采雲深  
黃龍掉尾引郎  
去使妾月明何處尋

其八

風滿塗山玉蘂稀  
赤龍閒臥鶴東飛  
紫梨爛盡無人  
喫何事韓君去不歸

其九

武帝徒勞厭暮年  
不曾清淨不精專  
上元少女絕還  
往滿竈丹成白玉煙

其十

百辟朝回閉玉除  
露風清宴桂花疎  
西歸使者騎金  
虎  
鞞垂鞭唱步虛

十一

南斗闌珊北斗稀  
茅君夜著紫霞衣  
朝騎白鹿趨朝  
去  
鳳押笙歌逐後飛

十二

焚香獨自上天壇  
桂樹風吹玉簡寒  
長怕嵇康之僊  
骨  
與將僊籍再尋看

十三

冰屋朱扉曉未開  
誰將金策扣瓊臺  
碧花紅尾小僊

子間吠五雲  
嘖客來

十四

酒醞春濃瓊草齊  
真公欲散醉如泥  
朱輪軋軋入雲  
去  
行到半天聞馬嘶

十五

白石山中自有天  
竹花藤葉隔溪煙  
朝來洞口圍碁  
了  
賭得青龍直幾錢

十六

海水西飛照柏林  
青雲斜倚錦雲深  
水風暗入古山  
葉  
吹斷步虛清磬音

十七

玉詔新除沈侍郎便分茅土鎮東方不知今夕游何處侍從皆騎白鳳凰

十八

洞裏煙霞無歇時洞中天地足金芝月明明朗溪頭樹白髮老人相對基

十九

饑卽飡霞悶卽行一轂長嘯萬山青穿花渡水來相訪珍重多才阮步兵

二十

東妃閒着翠霞裙自領笙歌出五雲清思密談誰第一不過邀取小茅君

二十一

月影悠悠秋樹明露吹犀簟象牀輕嬪妃久立帳門外暗笑夫人推酒聲

二十二

九天天路入雲長燕使何由到上方玉女暗來花下立手接裙帶問昭王

二十三

玉皇賜妾紫衣裳交向桃源嫁阮郎爛煮瓊花勸君

喫恐君毛鬢暗成霜

二十四

花底休傾綠玉卮雲中含笑向安期窮陽有數不知  
數大是人間年少兒

二十五

玉色雌龍金絡頭真妃騎出縱閒遊崑崙山上桃花  
底一曲商歌天地秋

二十六

閒來洞口訪劉君緩步輕擡玉線裙細拍桃花擲流  
水更無言語倚彤雲

二十七

西漢夫人下太虛九霞裙幅五雲輿欲將碧字相教  
示自解盤囊出素書

二十八

天上雞鳴海日紅青腰侍女掃朱宮洗花烝葉瀘清  
酒待與夫人邀五翁

二十九

汗漫真遊實可奇人間天上與人知周王不信長生  
話空使萇弘碧淚垂

三十

唐詩集卷六十一  
五  
青錦縫裳綠玉褱滿身新帶五雲香閒依碧海攀鸞  
駕笑就蘇君覓橘嘗

三十一

鶴不西飛龍不行露乾雲破洞簫清少年僊子說閒  
事遙隔彩雲聞笑聲

三十二

洞裏煙深木葉麤乘風使者降玄都隔花相見遙相  
賀擎出懷中赤玉符

三十三

芝蕙芸花爛漫春瑞香煙露濕衣巾玉童私地誇書

札偷寫雲瑤暗贈人

三十四

天上邀來不肯來人間雙鶴又空回秦皇漢武死何  
處海畔紅桑花自開

三十五

紫羽麾幢下玉京却邀真母入三清白龍久住渾相  
戀斜倚祥雲不肯行

三十六

鶴叫風悲竹葉疎誰來五嶺拜雲俱人間肉馬無輕  
步踏破先生一卷書

三十七

夜降西壇宴已終花殘月榭霧朦朧誰遊八海門前  
過空洞一聲風雨中

三十八

忘却教人鎖後宮還丹失盡玉壺空姮娥若不偷靈  
藥爭得長生在月中

三十九

暘谷先生下宴時月光初冷紫瓊枝淒清金石揭天  
地事在世間人不知

四十

共愛初平住九霞焚香不出閉金華白羊成隊難收  
拾喫盡溪頭巨勝花

四十一

酒盡香殘夜欲分青童拜問紫陽君月光悄悄笙歌  
遠馬影龍聲歸五雲

四十二

海樹靈風吹彩煙丹陵朝客欲昇天無央公子停鸞  
轡笑泥嬌妃索玉鞭

四十三

八景風回五鳳車崑崙山上看桃花若教使者沽春



唐詩卷五十一  
七  
酒須覓餘杭阿母家

四十四

叔卿遍覽九天春  
不見人間故舊人  
怪得蓬萊山下  
水半成沙土半成塵

四十五

欲飲尊中雲母漿  
月明花裏合笙簧  
更教小柰將龍  
去便向金壇取阮郎

四十六

海上桃花千樹開  
麻姑一去不知來  
遼東老鶴應慵  
墮教探桑田便不回

四十七

昨夜相邀宴杏壇  
等閒乘醉走青鸞  
紅雲塞路東風  
緊吹破芙蓉碧玉冠

四十八

雲鶴冥冥去不分  
落花流水恨空存  
不知玉女無期  
信道與留門却閉門

四十九

采女平明受事回  
暗交丹契錦囊開  
欲書密詔防人  
見佯喝青虬使莫來

五十

太一元君昨夜過碧雲高髻縮  
婆娑手擡玉策紅於  
火敲斷金鸞使唱歌

五十一

碧瓦彤軒月殿開  
九天花落瑞風來  
玉皇欲著紅龍  
袞親喚金妃下手裁

五十二

長房自貴解飛翻  
五色雲中獨閉門  
看却桑田欲成  
海不知還往幾人存

五十三

赤龍停步彩雲飛  
共道真王海上歸  
千歲紅桃香破

鼻玉盤盛出與金妃

五十四

碧海靈童夜到時  
徒勞相喚上瓊池  
因循天子能閑  
事縱與青龍不解騎

五十五

且欲留君飲桂漿  
九天無事莫推忙  
青龍舉步行千  
里休道蓬萊歸路長

五十六

侍女親擎玉酒卮  
滿卮傾酒勸安期  
等閒相別三千  
歲長憶水邊分棗時

五十七

萬歲蛾眉不解愁，旋彈清瑟旋閒遊。  
忽聞下界笙簫曲，斜倚紅鸞笑不休。

五十八

去住樓臺一任風，三天洞暗相通行。  
厨侍女炊何物滿，竈無煙玉炭紅。

五十九

風動閒天清桂陰，水精簾外冷沉沉。  
西妃少女多春思，斜倚彤雲盡日吟。

六十

王母相留不放回，偶然沉醉臥瑤臺。  
憑君與向蕭郎道，教着青龍取妾來。

六十一

絳節笙歌繞殿飛，紫皇欲到五雲歸。  
細腰侍女瑤花外，爭向紅房報玉妃。

六十二

聞君新領八霞司，此別相逢是幾時。  
妾有一觥雲母酒，請君終宴莫推辭。

六十三

方士飛軒駐碧霞，酒香風冷月初斜。  
不知誰唱歸春曲

曲落盡溪頭白玉花

六十四

方朔朝來到我家欲將靈樹出丹霞三千年後知誰  
在擬種紅桃待放花

六十五

水滿桑田白日沉凍雲乾霰濕重陰遼東歸客閒相  
過因話堯年雪更深

六十六

朝回相引看紅鸞不覺風吹鶴鬢偏好是興來騎白  
鶴文妃爲伴上重天

六十七

公子閒吟八景文花南拜別上陽君金鞭遙指玉清  
路龍影馬嘶歸五雲

六十八

一百年中是一春不教日月輒移輪金鰲頭上蓬萊  
殿唯有人間鍊骨人

六十九

笑擎雲液紫瑤觥共請雲和碧玉笙花下偶然吹一  
曲人間因識董雙成

七十

東皇長女沒多年從洗金芝到水邊無事伴他茶一局等閒輸却賣花錢

七十一

紅草青林日半斜閒乘小鳳出彤霞路尋故舊過西谷因得冰園一尺瓜

七十二

樹下星沉月欲高前溪水影濕龍毛洞天雲冷玉花發公子盡披雙錦袍

七十三

紫水風吹劍樹寒水邊年少下紅鸞未知百一窮陽

數略請先生止的看

七十四

武皇含笑把金觥更請霓裳一兩聲護帳官人最年少舞腰時挈繡裙輕

七十五

瓊樹扶疎壓瑞煙玉皇朝客滿花前東風小飲人皆醉短尾青龍枕水眠

七十六

彤閣鐘鳴碧鷺飛皇君催慰紫霞衣丹房玉女心慵甚貪看投壺不肯歸

七十七

崑崙山上自雞啼羽客爭昇碧玉梯因駕五龍看較  
藝白鸞功用不如妻

七十八

沙野先生閉玉虛焚香夜寫紫微書供承童子閒無  
事教坐瓊花餵白驢

七十九

雲隴瓊花滿地香碧沙紅水遍朱堂外人欲壓長生  
籍拜請飛瓊報玉皇

八十

玉洞長春風景鮮文人私宴就芝田笙歌暫向花間  
盡便是人間一萬年

八十一

青童傳語便須回報道麻姑玉藥開滄海成塵老閒  
事且乘龍鶴看花來

八十二

絳樹彤雲戶半開守花童子怪人來青牛臥地喫瓊  
草知道先生朝未回

八十三

石洞沙溪二十年向明杭日夜朝天白礬煙盡水銀

冷不覺小龍牀下眠

八十四

紫微深鎖敞丹軒  
太帝親談不死門  
從此百寮俱拜  
後走龍鞭虎下崑崙

八十五

雲衫玉帶好威儀  
三洞真人入奏時  
頻着金鞭打龍  
角爲嗔西去上天遲

八十六

太子真娥相領行  
當天合曲玉簫清  
梨花新折東風  
軟猶在綰山樂笑聲

八十七

洞裏月明瓊樹風  
畫簾青室影朦朧  
香殘酒冷玉妃  
睡不覺七真歸海中

八十八

青苑紅堂壓瑞雲  
月明閒宴九陽君  
不知昨夜誰先  
醉書破明霞八幅裙

八十九

東溟兩度作塵飛  
一萬年來會面稀  
千樹梨花百壺  
酒共君論飲莫論詩

九十

滄海令拋卽未能且綠鸞鶴立相仍蔡家新婦莫嫌  
少領取真珠三五升

九十一

溪影沉沙樹影清人家皆踏五音行可憐三十六天  
路星月滿空瓊草青

九十二

北斗西風吹白榆穆公相笑夜投壺花前玉女來相  
問賭得青龍許贖無

九十三

九天王母皺蛾眉惆悵無言倚桂枝悔不長留穆天

子任將妻妾住瑤池

九十四

暫隨鳧伯縱閒遊飲鹿因過翠水頭宮殿寂寥人不  
見碧花菱角滿潭秋

九十五

新授金書八素章玉皇教妾主扶桑與君一別三千  
歲却厭僊家日月長

九十六

八海風涼水影高上卿教製赤霜袍蛟絲玉線難裁  
割須借玉妃金剪刀



九十七

海上風來吹杏枝崑崙山上看花時紅龍錦襜黃金  
勒不是元君不得騎

九十八

絳闕夫人下北方細環清珮響  
當攀花笑入春風裏偷折紅桃寄阮郎

放猿

吉師老二首

放爾千山萬里身野泉晴樹好為鄰啼時莫近瀟湘  
岸明月孤舟有旅人

鴛鴦

江島濛濛煙靄微綠蕪深處刷毛衣渡頭驚起一雙  
去飛上文君舊錦機

萬首唐人絕句卷第六十一

...

